

Ո Ր Ո Շ ՈՒ Մ

Արգելադրված գույքը հարկադիր էլեկտրոնային աճուրդով իրացնելու մասին

<<18>> մարտի 2019թ.

ք. Վեդի

Հարկադիր կատարումն ապահովող ծառայության Արարատի մարզային բաժնի Վեդու բաժանմունքի ավագ հարկադիր կատարող, արդարադատության մայրու Ա. Գևորգյանս ուսումնասիրելով 27.08.2018թ. վերսկսված թիվ 00190746, 00190884, 00190751 կատարողական վարույթների նյութերը

Պ Ա Ր Զ Ե Ց Ի

ՀՀ Արարատի և Վայոց Ձորի մարզերի ընդհանուր իրավասության դատարանի կողմից 22.10.2014թ. տրված թիվ ԱՎԴ1/0439/02/13 կատարողական թերթի համաձայն պետք է՝ Համբարձում Լենդրուշի Հարությունյանից, Սլավիկ Մարկոսյանից, Գրիգոր Գրիգորյանից համապարտության կարգով հոգուր <<Ֆինքա>> ՈՒՎԿ>> ՓԲԸ-ի բռնագանձել 1.730.194 ՀՀ դրամ, 34.604 ՀՀ դրամ՝ որպես նախապես վճարված պետական տուրքի գումար, ՀՀ Քաղաքացիական օրենսգրքի 411-րդ հոդվածով հաշվարկվող տուկոսներ, ինչպես նաև բռնագանձման ենթակա գումարի 5 տուկոս կատարողական գործողությունների կատարման ծախս:

Պահանջատերը 05.03.2019թ. թիվ 19/LD-1172 գրությամբ հայտնել է, որ պարտապանների պարտքը 05.03.2019թ. դրությամբ կազմում է 1.117.817, 10 ՀՀ դրամ գումար:

Կատարողական գործողությունների արդյունքում արգելադրվել է պարտապան՝ Գրիգոր Հրաչիկի Գրիգորյանին սեփականության իրավունքով պարկանող ՀՀ Արարատի մարզի Նոր Ուրի գյուղում գտնվող տնամերձ հողամասը:

Կատարողական թերթի պահանջը կատարելու համար անհրաժեշտ է բռնագանձումը տարածել Գրիգոր Հրաչիկի Գրիգորյանին սեփականության իրավունքով պարկանող, ՀՀ Արարատի մարզի Նոր Ուրի գյուղում գտնվող տնամերձ հողամասի վրա:

Ելնելով վերոգրյալից և ղեկավարվելով <<Դատական ակտերի հարկադիր կատարման մասին>> ՀՀ օրենքի 28, 43 հոդվածներով և <<Հրապարակային սակարկությունների մասին>> ՀՀ օրենքի 35.1-35.4 հոդվածներով

Ո Ր Ո Շ Ե Ց Ի՝

Պարտապան՝ Գրիգոր Հրաչիկի Գրիգորյանին սեփականության իրավունքով պարկանող ներքոհիշյալ գույքը

հ / հ	լուրի անվանումը նկարագիրը	գնահատման գինը	մեկնարկային գինը	գույքի քանակը
1	ՀՀ Արարատի մարզ, գ. Նոր Ուրի տնամերձ հողամաս՝ 0.101հա:	2.000.000 ՀՀ դրամ	1.500.000 ՀՀ դրամ	1

ներկայացնել հարկադիր էլեկտրոնային աճուրդի, էլեկտրոնային համակարգի կիրառմամբ՝ Հարկադիր կատարման ծառայության աճուրդի էլեկտրոնային կայքի www.harkadir.achurd.am միջոցով: Հարկադիր էլեկտրոնային աճուրդի սկիզբը՝ << 07 >> <<05 >> 2019թ.

Որոշման պատճենն ուղարկել կողմերին:

Որոշումը կարող է բողոքարկվել ՀՀ վարչական դատարան կամ վերադատության կարգով, որոշումը ստանալու օրվանից 10 օրվա ընթացքում:


<<Դատական ակտերի հարկադիր կատարման մասին>> ՀՀ օրնքի 28 հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները:

Ծ Ա Ն Ո Թ ՈՒ Թ Յ ՈՒ Ն . Յուրաքանչյուր լուրի հարկադիր էլեկտրոնային աճուրդի ավարտի հաշվարկային ժամ է համարվում կայքում տվյալ լուրի վերաբերյալ ծանուցումը հրապարակելու 10-րդ օրվան հաջորդող աշխատանքային օրվա համապատասխան ժամը: Յուրաքանչյուր չկայացած հարկադիր աճուրդից հետո՝ երրորդ աշխատանքային օրը, կայքում գեներվում է կրկնակի հարկադիր էլեկտրոնային աճուրդի դրված լուրի մասին ծանուցումը:

Եթե աճուրդը չի կայացել գնորդ չլինելու կամ լուրի մեկնարկային գնի հավելում չկատարվելու հիմքով, ապա հաջորդ հարկադիր աճուրդ կազմակերպելուց վաճառվող լուրի մեկնարկային գինն իջեցվում է նախորդ աճուրդի համար սահմանված մեկնարկային գնի տասը տոկոսի չափով: Եթե աճուրդը չի կայացել գնորդի կողմից լուրի գնման գինը սահմանված ժամկետում չվճարվելու կամ առուվաճառքի պայմանագիրը չստորագրելու հիմքով, ապա լուրի մեկնարկային գնի իջեցում տեղի չի ունենում: Եթե պարտապանն ունի այլ գույք, ապա լուրի մեկնարկային գինը տասներորդ հարկադիր աճուրդից հետո հաջորդ աճուրդներում չի իջեցվում: Եթե պարտապանը չունի այլ գույք, ապա հաջորդ աճուրդներում լուրի մեկնարկային գինը չի իջեցվում քսաներորդ հարկադիր աճուրդը չկայանալու դեպքում:

«Հրապարակային սակարկությունների մասին» ՀՀ օրենքի 35.4 հոդվածի 4-րդ , 5-րդ և 6-րդ մասերի համաձայն երկրորդ և յուրաքանչյուր աճուրդից հետո, լուրը /գույքը/ չվաճառվելու դեպքում պահանջատերը աճուրդի ավարտելուց հետո երկու աշխատանքային օրվա ընթացքում իրավունք ունի պահանջի դիմաց այն ընդունելու այդ աճուրդի մեկնարկային գնով: Պահանջատերը պահանջի դիմաց լուրը իրեն հանձնելու վերաբերյալ գրավոր պահանջը կարող է ներկայացնել ՀՀ Հարկադիր կատարումն ապահովող ծառայություն մինչև չկայացած աճուրդից հետո երկրորդ աշխատանքային օրվա ավարտը: Գույքը /լուրը/ պահանջատիրոջը հանձնվում է վերջինիս կողմից կատարողական գործողությունների կատարման ծախսերը վճարելուց, իսկ գույքի /լուրի/ հանձնման կապակցությամբ հարկեր վճարելու պարտականություն առաջանալու դեպքում նաև դրա կատարումը հավաստող փաստաթղթերը ներկայացնելուց հետո:

ՀԱՐԿԱԴԻՐ ԿԱՏԱՐՈՂ,
ԱՐԴԱՐԱԴԱՏՈՒԹՅԱՆ ՄԱՅՈՐ՝



Ա. ԳԵՎՈՐԳՅԱՆ